

**PEMBERITAHUAN PERTANYAAN DEWAN RAKYAT  
MESYUARAT KEDUA PENGGAL KETIGA,  
PARLIMEN KEEMPAT BELAS**

**PERTANYAAN : JAWAB BUKAN LISAN**

**DARIPADA : TUAN AHMAD FAHMI BIN MOHAMED FADZIL [ LEMBAH PANTAI ]**

**SOALAN**

**TUAN AHMAD FAHMI BIN MOHAMED FADZIL [ LEMBAH PANTAI ]** minta **MENTERI KOMUNIKASI DAN MULTIMEDIA** menyatakan senarai laman web and pautan (URL) yang telah ditutup oleh Jabatan Komunikasi dan Multimedia di bawah Akta Komunikasi dan Multimedia 1998.

**JAWAPAN**

Tuan Yang Dipertua,

Untuk makluman Ahli Yang Berhormat, bagi tempoh 2011 sehingga 15 Oktober 2021, sejumlah **19,557** laman sesawang disekat oleh pihak Suruhanjaya Komunikasi dan Multimedia Malaysia (SKMM) bagi mencegah pelakuan atau cubaan pelakuan sesuatu kesalahan di bawah peruntukan undang-undang bertulis Malaysia.

Daripada jumlah tersebut, **11,416 (58%)** laman disekat berdasarkan permohonan rasmi daripada agensi penguatkuasaan berdasarkan peruntukan undang-undang di bawah bidang kuasa mereka. Daripada 11,416 laman tersebut:

- i) 5,968 (52%) laman disekat di bawah Kanun Keseksaan dan Akta Rumah Perjudian Terbuka 1953 di bawah Polis Diraja Malaysia (PDRM) sebagai contoh laman <https://www.klcallgirl.com> dan [www.banyak-kaya.com](http://www.banyak-kaya.com);
- ii) 1,739 (15%) laman disekat di bawah Akta Hakcipta 1987 dan Akta Perihal Dagangan 2011 di bawah Kementerian

## SOALAN NO : 25

Perdagangan Dalam Negeri dan Hal Ehwal Pengguna (KPDNHEP) sebagai contoh laman <https://pencurimoviedfm2u.com/>;

- iii) 3,260 (29%) laman disekat di bawah Peraturan Kawalan Dadah dan Kosmetik 1984, Akta Ubat (Iklan dan Penjualan) 1956 dan Akta Makanan 1983 di bawah Kementerian Kesihatan Malaysia (KKM) sebagai contoh laman <https://www.kedaidewasa.com/>; dan
- iv) 449 (4%) laman disekat di bawah lain-lain akta seperti Akta Pasaran Modal dan Perkhidmatan 2007 di bawah Suruhanjaya Sekuriti Malaysia (SC) sebagai contoh laman <https://www.fxpro.com>

Manakala baki **8,141 (42%)** laman adalah disekat berdasarkan kesalahan-kesalahan, termasuk kandungan pornografi dan laman “*Phishing*”, di bawah Seksyen 233, Akta Komunikasi dan Multimedia 1998. Contoh laman-laman yang disekat adalah seperti berikut:

- a) <http://www.gaysex69.net>
- b) <http://animalsexgay.com>
- c) <https://javmoviesex.com/>
- d) <http://redtube93.com/>
- e) <http://pornhub.org/>
- f) <http://imaybank.com/>
- g) <http://www.bnmskmm.info/>
- h) <http://banadiq.com>
- i) <http://oddmax.com>

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL KEEMPAT  
PARLIMEN KEEMPAT BELAS**

---

**PERTANYAAN : BUKAN LISAN**

**DARIPADA : YB DATUK HAJI AHMAD JAZLAN BIN YAAKUB [ MACHANG ]**

**SOALAN**

**DATUK HAJI AHMAD JAZLAN BIN YAAKUB [ MACHANG ]** minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh mana tahap sistem bantuan psikologi di Malaysia membantu dan memainkan peranan dalam keadaan ramai rakyat yang tertekan kerana masalah kewangan dan kehilangan ahli keluarga akibat pandemik COVID-19.

**JAWAPAN**

Tuan Yang di-Pertua,

Kerajaan percaya dan yakin semua daripada kita terkesan dengan pandemik COVID-19 yang berlaku pada masa ini, kerana ia tidak pernah berlaku sebelum ini. Oleh itu kerajaan melalui pelbagai agensi dan pihak yang memberikan kerjasama sentiasa mementingkan keperluan sokongan psikologi kepada masyarakat yang memerlukan. Bantuan sokongan psikologi ini adalah penting untuk membantu masyarakat merasa lebih baik ketika menghadapi cabaran semasa pandemik COVID-19 dan seterusnya mencapai pertumbuhan positif dan dapat menyesuaikan diri dengan perubahan.

Kementerian Pembangunan Wanita, Keluarga dan Masyarakat (KPWKM) melalui Lembaga Kaunselor sentiasa menggiatkan usaha kesediaan akses kepada perkhidmatan kaunseling dan perkhidmatan sokongan psiko-sosial bagi mengurangkan kesan psikologi yang dialami oleh masyarakat. Perkhidmatan kaunseling dan sokongan psikososial telah dilaksanakan secara berterusan sejak bermulanya pandemik melalui pelbagai cara dan medium. Antaranya seperti khidmat sokongan psikologi dalam talian dan program sokongan psiko-sosial melalui media elektronik dan media cetak serta media sosial. Petugas barisan hadapan juga sentiasa menyantuni mangsa-mangsa yang terjejas di lapangan akibat COVID-19 bagi memberikan bantuan sokongan emosi dan psikologi.

KPWKM melalui Lembaga Kaunselor sehingga **30 November 2021**, telah mendaftarkan **9,760** kaunselor berdaftar di bawah Akta Kaunselor 1998 (Akta 580). Disamping itu, seramai 1500 kaunselor berdaftar telah didaftarkan sebagai sukarelawan kaunselor berdaftar. Sukarelawan Kaunselor Berdaftar ini merupakan satu entiti formal bagi membantu masyarakat menangani isu psikososial dan menyediakan bantuan profesional kepada masyarakat melalui khidmat psiko-sosial di peringkat komuniti dan melaksanakan program sokongan bantu mula psikologi kepada mangsa dan waris yang terkesan.

## **SOALAN NO. : 26**

Sukarelawan Kaunselor Berdaftar terlibat membantu memberikan bantuan psiko-sosial kepada masyarakat melalui saluran YouTube TV yang disiarkan setiap malam untuk membincangkan isu kesihatan mental serta menyampaikan panduan (tips) untuk masyarakat. Kerjasama dengan Kementerian Komunikasi dan Multimedia (KKMM) untuk siaran program TV bagi sokongan kaunseling di dalam rancangan Selamat Pagi Malaysia bermula pada 1 Jun 2021.

Lembaga Kaunselor juga telah menyediakan direktori sukarelawan kaunselor berdaftar untuk rujukan masyarakat di semua daerah.

Bagi perancangan jangka panjang, Pusat Sokongan Sosial Setempat (PSSS) akan diwujudkan untuk memperluaskan khidmat psikososial setempat.

Memandangkan ramai rakyat yang tertekan kerana masalah kewangan dan kehilangan ahli keluarga akibat pandemik COVID-19, KPWKM telah menyediakan program penjanaan pendapatan untuk membantu ekonomi wanita seperti berikut:

1. Kolaborasi Strategik bersama Kementerian Pembangunan Usahawan dan Koperasi (MEDAC)
2. Kolaborasi Strategik JPW dengan pelbagai pihak seperti TalentCorp dan PERKESO (menyediakan peluang pekerjaan kepada wanita)
3. Program Bantuan MyKasih Kapital

Sekian, terima kasih.

**PEMBERITAHUAN PERTANYAAN BUKAN LISAN  
DEWAN RAKYAT, MESYUARAT KEDUA,  
PENGGAL KEEMPAT, PARLIMEN KEEMPAT BELAS**

**PERTANYAAN : BUKAN LISAN**

**DARIPADA : YB DATUK HAJI AHMAD JAZLAN BIN YAAKUB [ MACHANG ]**

**SOALAN**

minta **MENTERI PEMBANGUNAN USAHAWAN DAN KOPERASI** menyatakan sejauh mana konsep ‘Bangsa Usahawan’ akan diperluas dalam kalangan graduan sebagai satu langkah awal menanamkan semangat dan ikhtiar untuk melahirkan lebih ramai usahawan dalam kalangan belia.

**JAWAPAN**

1. Dalam usaha untuk membentuk bangsa Usahawan, Kementerian Pembangunan Usahawan dan Koperasi (MEDAC) merancang program dan inisiatif dengan berpegang kepada hasrat dan harapan supaya Malaysia mencapai negara keusahawanan yang unggul menjelang tahun 2030 dengan berlandaskan lima objektif utama yang ditetapkan oleh Dasar Keusahawanan Nasional (DKN). Antara objektif utama adalah mewujudkan ekosistem keusahawanan yang holistik dan kondusif serta membentuk masyarakat Malaysia yang berpemikiran dan berbudaya keusahawanan. DKN juga akan meningkatkan keupayaan perusahaan mikro, kecil dan sederhana serta koperasi seterusnya meningkatkan bilangan usahawan negara yang berkualiti, berdaya maju, berdaya tahan, berfikiran global dan kompetitif.

2. MEDAC melalui Program Latihan Profesional dan Pendidikan Bagi Usahawan (PROTÉGÉ) telah melaksanakan beberapa inisiatif untuk meningkatkan penglibatan graduan bagi melahirkan usahawan baharu berkonsepkan “Bangsa Usahawan” melalui latihan peningkatan kompetensi. Program dan inisiatif yang dibangunkan dengan hasrat

untuk mengubah minda dan pemikiran graduan bahawa keusahawanan boleh dijadikan kerjaya pilihan dan pemikiran untuk makan gaji dikurangkan. Menjadikan keusahawanan sebagai kerjaya pilihan merupakan salah satu objektif utama DKN.

3. Justeru, untuk makluman Yang Berhormat, di bawah Kementerian terdapat **12 program khusus** untuk graduan, di mana 4 inisiatif dilaksanakan di bawah program PROTÉGÉ, iaitu:

- (i) **Latihan Intensif Dalam Talian Bagi Usahawan Generasi Baharu [New Gen Entrepreneur Online Bootcamp] (N-GENE);**
- (ii) **Program Dropship & Agent (DNA);**
- (iii) **Program Kebolehpasaran dan Peningkatan Kapasiti Graduan TVET [Graduate Capacity and Employability Enhancement Program] (GRACE);** dan
- (iv) **Program Turun Padang, Taklimat Kesedaran dan Pembangunan Jangka Pendek [Program Kesedaran Reach Out, Awareness and Developmental] (ROAD).**

4. Selain itu, beberapa program lain yang turut dilaksanakan oleh agensi di bawah MEDAC, adalah:

- (i) Program KPT-MEDAC Siswapreneur oleh TEKUN Nasional;
- (ii) Program Tunas Usahawan Belia Bumiputera (TUBE) oleh SME Corp.;
- (iii) Kursus Asas Keusahawanan – Penempatan Latihan Kerjaya Graduan (KAK-RTW) oleh INSKEN;
- (iv) Program Rintis Bank Rakyat UNIpreneur oleh Bank Rakyat;

**NO. SOALAN : 27**

- (v) Program Jadi Usahawan Berjaya (BYOB) – Program Keusahawanan Francais Belia (YOUNITY) oleh PERNAS;
- (vi) Program Pembangunan Usahawan Siswazah (PPUS) oleh TEKUN Nasional;
- (vii) Pembangunan Usahawan Profesional Muda Bumiputera oleh TEKUN Nasional; dan
- (viii) UDA Untuk Anak Muda oleh UDA Holdings.

5. Untuk makluman Yang Berhormat, MEDAC turut menyediakan pelbagai program berbentuk bantuan perniagaan yang meliputi geran dan pembiayaan kepada golongan belia iaitu:

- (i) **Program Tunas Usahawan Belia Bumiputera (TUBE) oleh SME Corp.** Bagi tahun 2019 hingga Oktober 2021, seramai **2,142** usahawan **belia** telah berjaya dilatih dengan peruntukan diluluskan berjumlah **RM29.88 juta**. Ini termasuk **502** usahawan belia yang **telah dilatih** dengan kos sebanyak **RM7.58 juta** meliputi geran dan kos latihan di bawah Pelan Jana Semula Ekonomi (PENJANA). Setiap peserta TUBE akan diberikan geran untuk memulakan perniagaan di antara RM10 ribu hingga RM15 ribu bergantung kepada pelan perniagaan mereka.
- (ii) **Program Pembangunan Usahawan Siswazah (PPUS) dan Program Profesional Muda Bumiputera (ProMuda) oleh TEKUN Nasional.** Untuk kedua-dua program ini, dari 2019 sehingga Oktober 2021, seramai **1,145** usahawan telah diluluskan pembiayaan dengan nilai **RM25.4 juta**, di mana jumlah pembiayaan bagi PPUS adalah sehingga RM50 ribu, manakala jumlah pembiayaan bagi ProMuda adalah sehingga RM100 ribu, dan 3 orang rakan kongsi dibenarkan untuk memohon melalui syarikat yang sama;

- (iii) **Program Pembangunan Usahawan Mikro (BizME)** oleh SME Corp. Bagi tahun 2019 hingga Oktober 2021, seramai **12,331** peserta telah menerima manfaat melalui pemberian yang melibatkan peruntukan berjumlah **RM9.4** juta;
- (iv) **Program Jadi Usahawan Berjaya (Be Your Own Boss (BYOB)** oleh Pernas. Dari Januari hingga Oktober 2021, sebanyak **32** kelulusan pinjaman diberikan dengan pemberian berjumlah **RM9.224** juta; dan
- (v) **UDA Untuk Anak Muda atau UDA4Youth** oleh UDA Holdings. Dari Januari hingga Oktober 2021, seramai **78** usahawan belia telah menerima manfaat daripada program ini, melibatkan peruntukan sebanyak **RM667** ribu.

Sekian, terima kasih.